


लईका मन बर बाईबिल प्रस्तुत करत हवे।

दानियेल एकठन कइदी



लिखे गए हवे। : Edward Hughes
उत्साह बढ़े गए हवे। : Jonathan Hay; Alastair P.
चयन करे गए हवे। : Mary-Anne S.
अनुवाद करे गए हवे। : मधुलिका महतो
बनाए गए हवे। : Bible for Children
www.M1914.org

BFC
PO Box 3
Winnipeg, MB R3C 2G1
Canada

©2022 Bible for Children, Inc.
लाईसेंस : आप मन करा इ कथा ल छापे बर अऊ नकल करे के अधिकार
तमे तक हे जब तक आप मन एला बेचिहा नाही।

दानियेल अउ ओकर तीन ठन संगी इसराइल म रहत रहिन। एक
ठन दिन एक ठन महान राजा उंकर देश म आईस अउ जम्मो
बुदिधमान जवनहा मन ला अपन देश म लेक चले गिस। ओ राजा
के बड़खा लमबा नाव रहिस—नबूकदनेस्सर अउ ओहा बाबुल नाव
कर एकठा दुरिहा देस म रहत रहिस।



बाबुल म जवनहा मन के बने अकन ले पहुँचाई करिन। राजा हा सनसार के जम्मो देश ले परतिभाशाली अउ सबले बढ़िया जवनहा मन ला छांटिस। ओहर बाबुल के भाषा म ओमन ला परशिक्षित करए के जोजना बनाईस ताकि ओमन ओकर करमचारी बन कय राज चलाय म ओकर मदद करय।



3

दानियेल, अपन परशिक्षित देहे बाला परभारी ले अनुमति मांगिस कि ओला राजा के जेवन ला नहीं देहे जाय। यदि राजा ला इ गोठ के पता चल जातीस त राजा अब्ड जंगा जातिस, लेकिन भगवान हा दानियेल ला इमनखे कर पसंद वाला बना देहे रहिस।




5

जवनहा मन भगवान ला सममानित करिन। भगवान हा ओमन ला ग्यान अउ कउसल दिस, अउ दानियेल ला जम्मो दरसन अउ सपना मन ला समझय बर ग्यान देवय गिस।



7

जवनहा घलो ओही जेवन खात रहिन जउन ला राजा हा खात रहिस। लेकिन दानियेल अउ ओखर संगवारी ओ जेवन ला नइ खाय ला चाहत रहिन। काबर कि ओ जेवन लबरा देवता मन के आघु म चघाय गय रहिस। दानियेल हा भगवान के बिरोध म कुछु घलो नइ करय के वादा करय रहिस। इसराइल के भगवान हा अपन मनखे ला आग्या देय रहिस ओमन मुरति अउ लबरा देवतामन के संग म कुछु नाता झान रखय।




4

ओहा दानियेल अउ ओखर संगवारी मन के एकठन परीक्षा लेहे के संग राजी हो गिस। दस दिन बर ओमन ला खाली साग खाए बर अउ खाली पानी पिए बर रहिस। ओ दस दिन के आखिरी म दानियेल अउ ओखर संगवारी राजा के जेवन खाय बाला अलगा जम्मो आदमी मन के बलदा में अब्ड स्वस्थ लागत रहिस।



6



8

बाबुल म इसकुल के शिक्षा के तीन बछर पाछु, सब्बो जनवहा मन ला राजा नबुकदनेसर के आघु परस्तुत करय गइस। ओहा तउन जम्मो म ले सबले होनहार के रूप म दानियेल अउ ओखर तीन ठन संगवारी मन ला छांटिस। सित्तो म, राजा हा ये पता लगा लिस कि ओखर राज म जम्मो होसियार पुरुस के बलदा म दानियेल अब्ड ग्यानवान अउ चउतरा रहिस।

एकठा रथिया, राजा ला एकठी खिक सपना आईस। ओहर अपन टोनहा, जोतिष मन अउ जादु करोइया ला ओखर आघु म उपसथित होय कर आदेश ला दिस। राजा हा कहिस, “मय हा एक ठन सपना देखे हव, अउ मोर आतमा सपना ला


बुझ्य बर उद्कथे।” महाराज

मन कहिन, हे राजा, तय ह सदा दिन जियत रह, जुआब देत कहिस। “तउन सपना ला अपने सेवक मन ला बता, अउ हमन सबो ओखर मतलब समझा देबो।”



9

राजा के पुजारी हा राजा ला बताईस कि जोन तय पुछत रहे हस ओला बताय बर इ भुझ्या म अझसन कोन्हों आदमी नइ हे। “खाली देवतच मन अझसने कर सकत हे, अउ ओमन भुझ्या म नई रहय” राजा ला अब्डु गुससाव आ गिस।



11

फेर दानियेल अपन घर गिस, अपन संगवारी सदरक, मेसक, अबेदनगो ला जम्मों कुछु बता दिस। दानियेल ला सपना मा ओखर मतलब के बारे म कोन्हो जानकारी नई रहिस, लेकिन ओहा एक अझसे मनखे ला जानत रहिस जेला सबो कुछु मालुम रहिस। ओ मनखे कहु नई लेकिन भगवान हे। अब दानियेल अपन संगवारी मन के संग म पराथना करय लागिस।



13

राजा हा जुआब दिस, “नई। तय अपनेच मोर सपना ला जोन ला मय हा देख्य हो अउ ओखर मतलब का हे समझावव। अगर तय ह नई बताय सकस त, तय हा टुकडा म पुज देहे जाबे। लेकिन जदि तय हा मोर सपना अउ ओकर मतलब समझाबे त” राजा बोलव, ला जारी रखिस। “तय उपहार अउ इनाम अउ महान सममान परायाप्त करबे।” येमा कोन्हो सक नई पुजारी म ले कोन्हो घलो राजा के सपना ला नई बताय सकीन।



10

जब सझनिक दानियेल के लकठा म आइन तब ओहा, अरयोक राजा के कपतान ला पुछिस। “राजा जम्मों पुजारी मन ला काबर नास करय ला चाहत हे?” तब अरयोक हा दानियेल ला सबो कुछु ला बता दिस। दानियेल राजा ले मिलय बर चले गिस। ओहर राजा ले कुछु अउ बेरा मांगिस ताकि ओहा राजा के सपना अउ ओखर मतलब बता सके।



12

भगवान हा दानियेल ला ओ सपना अउ ओखर मतलब देखाईस। दानियेल, स्वरग के भगवान ला धन्य कहिस, “यहोवा भगवान कर नाव धन्य हो, बुदधि अउ पराकरम अउ महिमा सदा ओखरेच हावय।” दानियेल, हड्डबड़ी म राजा के तीर म गिस अउ ओला जम्मो ला बताईस।



14

“एकठन यहोवा भगवान है जोन हा स्वरग म रहथे अउ जम्मो भेदला जानथे।” राजा हा का सपना देखय रहिस अउ उ सपना के का मतलब हे, सब्बो ला राजा ला बताईस।



15

ऐखर सेंती तुमन इ भेद ला बताय सके हावव। तब राजा हा दानियेल ला एकठन महान आदमी बनाईस, अउ ओला कतेक महान इनाम घलो दिस। राजा हा ओला बाबुल के जम्मो परांत के शासक बनाईस अउ बाबुल के जम्मो पुजारी मन उपर अधिकारी करके नियुक्त कर दिस।



17

समाप्त।

राजा नबुकदनेसर अपन सपना अउ ऐखर मतलब सुनके, दानियेल के आघु तरी मुहुँ के बल गिरगिस। अउ कहिस, “सत्ती त ये हावय कि तु मन के भगवान, जम्मो ईशवर मन के ईशवर, राजा मन के राजा अउ भेद के खोलइया हावय।”



16

दानियेल एकठन कइदी

इ कथा हर भगवान के बचन के द्वारा एक ठी बाईबिल पाए जाथे।

दानियेल 1-2

“आप मन कर बानी हर एला अंजोर देथे।”

भजन संहिता ११३ : १३०

18

बाईबिल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अउ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा भौत हावे, पर भगवान हा हमन ले बहुत प्यार करथे कि ओहर अपन अकेला बेटा ईशु मसीह ला क्रूश में मरे बर अउ हमर पाप के सजा पाए बर भेजीस। ऐखर बाद ईशु मसीह के फेर से जनम होथे अउ ओहर घर ले सर्व मा चल देथे। अगर तुमन ईशु मसीह मा भरोसा करथव अउ अपन पाप बर माफी मांगथव ता ओहर जरुर माफ कर दाही। वो हर जरुर आही अउ तुमन के भीतरी मा अपी रहिही, अउ तुमन ओखर संग मा हमेशा बर रहिया।

अगर तुमन विश्वास करथव कि इही हर स चडे, त भगवान ले येला कहव प्रिय ईशु, मैं विश्वास करथव कि अप मन भगवान हव अउ मो पाप के सेतर मरे बर मनुष्य बनेव अउ आप हर फेर से जिवित हव। दया करके मोर जिंदगी में आव अउ मोर पाप ला क्षमा करव, ताकि मैं हा नवा जीवन ला पा सकंव अउ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आजाके पालन कर सकंव अउ आप मन के बेटा बन के आप मन बर जिये सकंव। आमीन।

बाईबिल ला पढव अउ भगवान से रोज बात करव।

20